



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 16-05-33. 063-2.1/19
Sarajevo, 10.10.2019. godine

VLADA KANTONA SARAJEVO
STRUČNA SLUŽBA VLADE
n/r dr.sc. Tarika Humačkića

SKUPŠTINA KANTONA SARAJEVO

n/r Elmedina Konakovića, Predsjedavajući Skupštine Kantona Sraajevo
-ovdje-

PREDMET: Odgovor na zastupničku inicijativu

Na 13. Radnoj sjednici Skupštine Kantona Sarajevo, održanoj 25.9.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovnikom Skupštine Kantona Sarajevo, zastupnik Damir Marjanović je pokrenuo zastupničku inicijativu: „vezano za osnivanje istraživačke stanice za talentovane srednjoškolce“.

ODGOVOR

Na 11. Radnoj sjednici Skupštine Kantona Sarajevo, održanoj 15.7.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovnikom Skupštine Kantona Sarajevo, zastupnik Damir Marjanović je pokrenuo zastupničku inicijativu u vezi sa unapređenjem kvalitete srednjoškolskog obrazovanja u Kantonu Sarajevo.

Inicijativa je glasila: „Da se odmah pokrenu aktivnosti glede izrade elaborata i uspostavljanja istraživačke stanice za talentovane srednjoškolce na području Kantona Sarajevo, a u cilju kreiranja uvjeta za unapređenje rada sa talentovanim učenicima. Detalji o konceptu istraživačke stanice će biti dostavljeni u vidu kratkog prijedloga na sljedećoj sjednici Komisije za nauku i obrazovanje Skupštine Kantona Sarajevo.“

S tim u vezi, Ministarstvo je dostavilo Skupštini Kantona Sarajevo, odgovor, broj: 01-05-26804-1/19 od 19.7.2019. godine, koji je glasio:

„Ministarstvo za obrazovanje, nauku i mlade je na stanovištu da je rad sa talentovanim i nadarenim učenicima, jedan od prioriternih zadataka, kada je u pitanju oblast obrazovanja. S tim u vezi, informiramo Vas sljedeće:



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1




U školskoj 2018/2019. godini, Ministarstvo je, prvi put, raspisalo javni poziv za dodjelu stipendija za talentovane/nadarene učenike, koji se upisuju u prvi razred gimnazije. Na ovaj način je 9 učenika dobilo stipendije u iznosu od po 2.000,00 KM po učeniku, što ukupno iznosi 18.000,00 KM. I za školsku 2019/2020. godinu Ministarstvo za obrazovanje, nauku i mlade je predvidjelo sredstva za dodjelu stipendija za ovu kategoriju učenika, a iznos stipendije će ovisiti od broja učenika koji budu ispunjavali sve uslove iz kriterija za dodjelu stipendija, uz napomenu da je Ministarstvo predvidjelo da od školske 2019/2020. godine, aplicirati mogu učenici iz svih srednjih škola, kao javnih ustanova, a ne samo iz gimnazija, što je bio jedan od kriterija za dodjelu stipendija u tekućoj 2018/2019. godini.

Iz navedenog proizilazi da je Ministarstvo opredijeljeno za realiziranje aktivnosti kada je u pitanju rad sa nadarenim i talentovanim učenicima, te u potpunosti podržavamo Vašu inicijativu.

Nakon što bude, Komisiji za nauku i obrazovanje, dostavljen prijedlog programa, odnosno koncepta rada sa talentovanim učenicima, Ministarstvo će se odmah aktivno uključiti u aktivnosti koje će dovesti do kvalitetnog rada sa talentovanim učenicima i njihovog napretka na polju obrazovanja“.

S obzirom da se radi o identičnoj problematici, Ministarstvo ostaje na stanovištu, koje je dostavilo 19.7.2019. godine, iz kojeg je evidentno da u potpunosti podržavamo predmetnu inicijativu zastupnika Damira Marjanovića.

S poštovanjem,



MINISTRICA

Mr. Zineta Bogunić



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1

